

Autoridade Bankária & Pagamentu Timor-Leste nian (ABP)
Banking and Pyments Authority of Timor-Leste

Relatóriu Trimestráil Fundus Petróleu nian

Trimestre ne'ebe hotu iha 31 Marsu 2009

KOMUNIKADU IMPRENSA

Autoridade Bankária no Pagamentu (ABP) ohin lansa Relatóriu Trimestráil ba dala sanulu resin lima ba Trimestere nebe termina iha 31 Marsu 2009 kona ba Fundus Petróleu Timor-Leste nian ne'ebé hatudu katak Kapitál fundus nian iha 31 Marsu 2009 hamutuk millaun \$ 4.750,08 kompara ho millaun \$4.196,97 iha fim Dezembru 2008.

Relatóriu ne'e hatudu katak osan-kontadu ne'ebé mak tama durante trimestre ne'e hamutuk millaun US\$549,88 ne'ebé kompostu husi kontribuisaun kontribuinte sira ba Fundus ne'e hamutuk millaun \$232,77 no kontribuisaun realeza (*royalty*) sira husi ANP (*Autoridade Nasional Petróleu*) hamutuk millaun \$317,11.

Rendimentu husi investimetnu fundus nian hamutuk millaun US\$3,22 durante trimestre ne'e, husi ne'ebé kupaun no jurus ne'ebé simu mak millaun \$40,10 no mudansa iha valór notas nian mak millaun (\$36,89).

Rendimentu Fundus Petroleu durante trimestre ne'e mak 0,01%, enquanto rendimento referênciá (*benchmark return*) durante trimestre mak 0,02%. Rendimentu portfoliu durante trimestre ne'e mak pontu baze 1 kiik liu duké rendimento referênciá (*benchmark*) ne'ebé mak iha mandatu ± 25 pontus baze nia laran.

Lei Fundus petróleu nian espesifika katak Autoridade Bankaria no Pagamentu nu'udar Banku Sentráil Timor-Leste iha futuro, mak nu'udar ajente ne'ebé responsavel ba jestaun operasionál fundus Petroleu nian. Ministériu Finanzas responsavel ba establesimentu estratéjia investimentu tomak ba Fundus. Mandatu ne'ebé mak fornese ba Autoridade Bankaria no Pagamentu mak atu maneja fundus ho Indisé Merrill Lynch tinan 0-5 iha merkado instrumento finansas Governu Estados Unidos. Autoridade Bankaria no Pagamento maneja ona portfoliu besik liu ho pontu referensia trimestre dala 15 dahuluk. Diferensia entre portfoliu no pontu referensia hahú husi inisiu fundus nian mak pontu baze -5 iha meta mandatu ± 25 pontus baze nia laran.

Pontu importante husi Relatóriu Trimestre ba dala XV, ne'ebé kobre periodu 1 Janeiru too 31 Marsu 2009, inklui:

- Saldo balansu inisiu hamutuk millaun \$4.196, 97
- Reseita durante trimestre ne'e hamutuk millaun \$549,88 ne'ebé kompostu husi reseita kontribuinte sira hamutuk millaun US\$232,77 no reseita realeza husi ANP (*Autoridade Nacional Petróleu*) nian hamutuk millaun \$317,11.
- Rendimentu portfoliu mak 0,01% durante trimestre no rendimento referensia (*benchmark*) mak 0,02%.
- Rendimentu investimentu durante trimestere ne'e mak millaun \$3,22 kompostu husi jurus titulus nian millaun \$40,10 no alterasaun valor titulus mak millaun (\$36,89).
- Saldo balansu ikus hamutuk millaun US\$4.750,08.

Prosesu negosiasaun kontratu ho Banku Internasional Settlement (BIS) nudar jestor externu naun-commercial durante trimestre ne'e konklui ona no submete ona ba aprovasaun tuir Artigu 12 Lei Fundo Petróleu nian.

Relatóriu trimestráil, nu'udar mós lei Fundus Petróleu nian no Akordu Jestaun, disponivel husi sítiu Autoridade Bankária no Pagamentu www.bancocentral.tl

Ba informasaun adisionál bele hetan husi:

Venancio Alves Maria
Diretór Ezekutivu
Jestaun Fundus Petróleu,
Autoridade Bankária no Pagamentu Timor-Leste nian
Korreiu-Eletróniku: venancio.maria@bancocentral.tl

Telefone: +(670) 3313718

Dili, 8 Maiu 2009